

小畜集

三

新學堂  
印

PDF

王黃州小畜集卷第十



律詩

再授小諫偶書所懷



贈禮部宋貲外閣老

自汝州副使拜命前年與予同貶

自寬

贈衛尉宋卿二十二丈

二首前翰林長侍郎

送融州任巽戶曹

寄高州馮十八仲咸同年

送史館學士楊億闕中迎侍

覽照

送寇諫議赴青州

寧公新拜首座因贈

壽寧節祝聖壽十首

幕次閑吟

五首

還韋度支韶程集

將赴單州和韋度支相送之什次韻

初上單州有作

送秘閣裴都監奉使兩浙

已下再入

送戚殿丞之任括蒼

送馮中允之任婺州

寄題義門胡氏華林書院

送母殿丞赴任齊州

送張監察通判餘杭

送楊屯田通判永興

書齋

書懷簡孫何丁謂

送柴諫議之任河中

送僕射相公赴西京

送李著作

送禮部蘇侍郎赴南陽

制除工部郎中出內署

已下滁州作

詔知滁州軍州事因題二首

滁州官舍二首

堂前并舍

荒亭晚坐

身世一轉瞬中出以卷上下無所計

瑯邪山麓

為郡善州和重度支相送之什

自笑

自問

夜長

與嘉祐同遊寶應寺

迂儒

花鹿

今冬

滁上謫居四首

戲題二章述滁州官况寄翰林舊同院

高閑

臘月

雪中看梅花因書詩酒之興

朝簪

賀呂祐之諫議

賀馮起張東二舍人

送都官梁貞外同年之江南轉運

有傷

寄杭州西湖昭慶寺華嚴社主省常上人

送鄭襄歸閩中

贈王燾

病假

偶題

三首

詩酒

司空相公挽歌

三首

和廬州通判李學士見寄

二首

贈朱巖

戲和壽州曾秘丞黃三詩

又和曾秘丞見贈

三首

和朱嚴留別

賦得紙送朱嚴

饒州馬殿院頻寄異鬚藥服千丸斑白未減  
作詩以報之

歲暮感懷

送鄭南進士歸洪州

再授小諫偶書所懷

宦途滋味飽更諳命薄于人分亦甘兩鬢雪霜為小諫六  
街泥雨趁常叅便休祿仕飢寒累強逐班行面目慙安得  
去如种處士板輿榮侍卧終南

种放與母  
偕隱終南

贈禮部宋員外閣老

前年與子同賦  
自汝州副使拜命



棘蕩詞臣且向南宮作舍人

禮部負外歸南宮舍人

休數貳

車如竹葦

負外郎散副使至三兩負須知

百日掌絲綸

故事禮曹外郎百日內知

制錦窠官重真殊拜玉筍班清祗一身

今朝中負外甚多禮曹一人而已

堪笑白頭王小諫握蘭猶未得相親

自寬

身世龍鍾見自寬  
追量才分合饑寒  
朝中舊友休誇貴  
篋裡新詩不博官  
曉髮靜梳微霰落  
夜吟閑拂古風殘  
會須歸滄江上累石  
移莎攤釣灘

贈衛尉宋卿二十二文

二首前翰長侍郎

性情和雅得天真  
卿寺鰲頭任屈伸  
三品且隨前宰相  
岷

班在尚書下與吏部宋呂二相公相接

重腫偏認舊詞臣  
宿齋院冷琴橫膝

朝退門閑鶴伴身多少  
握衣門弟子側聆還望秉陶鈞

其二

謫宦歸來髮更斑  
徊翔猶在寺卿間  
幾多僚吏三台上  
太半生徒兩制間  
舊賜錦袍多貰酒  
新裁紗帽欲歸山  
東垣小諫龍鍾甚  
空媿洪鑪早鑄顏

送融州任巽戶曹

撰越王愛姪墓誌得罪

御前曾取好科名  
一椽如何萬里行  
身落蠻夷人共惜  
罪因文學自為榮  
吏供版籍多魚稅  
民種山田見象耕  
君看咸通十司戶  
投荒終又是公卿

寄商州馮十八仲咸同年

遷客秋來捧詔還  
故人多怪鬚毛斑  
重為東掖垣中士  
猶

夢西暉亭下山靜筭宦途皆是命老思身計不如閑何時  
相約同歸約隱水竹蕭蕭並掩關

送史館學士楊億閣中迎侍

迎侍關川去路長才名官職過歐陽翰林貴族誇東榻

楊

為副翰張  
為舍人

史館清銜慶北堂別酒正逢寒菊綻歸舟應見

早梅香拾遺健羨吟詩送莫笑蹉跎兩鬢霜

覽照

覽照笑浮生秋霜髮數數莖才高空有氣官散即無榮貧  
久心還樂吟多骨亦清他年文苑傳應不漏吾名

送寇諫議赴青州

表海鎮崢嶸樞臣輟禁庭兩蕃申族帳七縣造圖經密勿

君恩異循良祖德馨旌旗驅驛路鼓角出郊坰歸夢尋溫  
樹行塵動福星上儀三道判排設十間廳風靜衙門戟霜  
寒郡閣鈴看山樓踞白封社土分青花好詩難惜梨甘酒  
易醒牡丹水梨皆青州所出徵還都幾日莫愛奴娉婷

寧公新拜首座因贈

著書新奏御亦詔承旨蘇公道士韓德純与公集三優詔教聖賢事迹各五十卷故有首座之命優詔  
及禪扉首座名雖貴家山老未歸磬聲寒繞枕塔影靜侵  
衣終憶西湖上秋風白鳥飛

壽寧節祝聖壽十首

待漏齊趨聖節筵雲開金闕上青天平明引入長生殿共  
祝堯雲百萬年

其二

數聲飛電嚮鳴鞘，香裊金爐映赭袍。  
王母親承玉皇詔，今年今日進蟠桃。

其三

有國土何時見堯，率天宮底處開。  
畫說今年壽寧節，一齊移入帝城來。

其四

簾前何 冬日塔下新抽七葉蓂，昨夜靈臺因預奏。  
綵雲高捧老人星。

其五

益算真君南斗高，還因聖節奏天曹。  
扶桑枯盡靈椿老，始

出壽毫

其六

莊周浪說華封祝漢帝虛傳嵩岳聲  
爭似壽寧嘉節日千門萬戶願長生

其七

帝德由來動百神年々聖節絕纖塵  
萬家喜氣生和氣冬日翻疑一日春

其八

祇為憂民感上玄玉京今日集羣仙  
更教添注吾君壽直過人皇萬八千

其九

漢主壽山稱萬歲玄宗佳節號千秋  
吾皇別享無疆福百姓歡呼動九州

其十

謫宦高於又解梁二年不見赭袍光  
重來班列雖踈遠祝壽情深淚數行

幕次閑吟五首

二年憔悴咏江籬恩詔重教侍玉墀  
寓直掖垣休入夢常叅幕次且吟詩  
新文自負山中集舊吏多驚鬢畔絲  
莫道諫官無一事猶勝閑卧解州時

其二

禁漏遲、待玉班坐愁身計忽長歎  
時清偶直千載運頭

白重為八品官烏帽半欹殘月冷馬鞭慵執曉霜寒君思  
未壯不敢思歸七里灘

其三

文章曾受帝褒稱幕次孤吟冷似冰借馬趁朝長後到問  
人求米盡難憑僅教罷藥朝無酒兒廢看書夜絕燈除却  
金章在腰下其餘滋味一如僧

其四

六里山中謫宦身歸來無路掌絲綸塔前不見朱衣吏堂  
上白髮親月入可堪茶作俸雨多還怯桂為薪懶求  
郡印緣何事曾忝西垣侍從臣

其五



江籬吟盡鬢成絲，霜謫宦歸來。夢一場，每日祇窺丹鳳紫。  
被人猶喚紫微郎，齋宮獨坐風翻幕。客舍閑吟葉滿床。若  
是承明客，再入未嘗荒廢舊文章。

還韋度支韶程集

嶺南為郡帶名曹，萬里江山興詠饒。皇宋聲詩歸雅正，有  
唐門地本逍遙。雪霜思苦雖侵鬢，金紫恩深已佩腰。舊草  
滿囊勝蕙苴，幾聯乘醉寫芭蕉。進來聖主迴天眷，抄逐蠻  
僧過海潮。何事曹南得披覽，韶程風什似聞韶。

將赴單州和韋度支相送之什次韻

就養求官動聖知，專城猶得近王畿。鄉人竟指曾題柱，丘  
嫂應慙不下機。西掖罷批天子詔，北堂榮着老萊衣。鄰封

唱和如多暇三載湏成一集歸

初上單州有作

舊官休念直承明就養誰能繫宦情  
藍綬昔年為短簿綵衣今日是壽城  
故人半在登樓看親老初來滿郡迎  
慢逐板輿張皂蓋平生唯有此時榮

送秘閣裴都監奉使兩浙

已下再入西掖作

霏、梅雨灑船窓綠荷綠苒參差早  
稻黃捧詔暫辭圖籍  
府揚帆深入水雲紉皇華靜讌江樓  
月御札閑開野寺香  
若到蘇臺人問我長官重拜紫微郎

送戚殿之丞任括蒼

佐郡海西邊挂帆離屯園遠經羅刹石  
去近鵲鷓原菊暖

秋飛蝶霜晴夜叫猿老郎方吏隱應笑市朝喧

殿丞令弟知温州永

嘉

送馮中允之任婺州

東南宦遊多勝遊婺女星下溪山溪幽巖陵隱德七里瀨  
沈約詩名入詠樓岸上黍離經故國湖邊木脫正高秋承  
明三入妨賢久擬覓江鄉小郡侯

寄題義門胡氏華林書院

水閣三齋架碧虛亭華表挾門閭力田歲取千箱福好  
事家藏萬卷書旋對杯盤燒野筍別開池沼養溪魚吾生  
未有林泉計空媿妨賢卧直廬

送母殿丞赴任齊州

三齊號難治民瘼待良醫勿謂人多詐須教吏不欺魚鹽  
多近海桑柘潤連淄御札新班頒曆無忘訓誠詞上親選  
良吏仍

賜御前  
曆于

送張監察通判餘杭

郡城瀟洒浙江濱慙輟乘驄慰遠民莫放霜威誇御史且  
收風景屬詩人雪侵樓上迎潮眼花擁湖中泛月身盡是  
公餘吟詠處好飛佳句寄詞臣

送楊屯田通判永興

長安弄廢比藩方通理猶宜占省郎入洛才名齊二陸毗

自浙及第

有唐門戶本三楊七田靖茶楊氏  
唐末避地江南袖中丹桂家

聲在道畔豐碑祖德光

在關西夫子碑  
關鄉路上

莫向公餘尋故第榛

燕難認靖茶坊

書齋

年、賃宅住開坊也作幽齋着道裝守靜便為生白室著  
書魚是草玄堂屏山獨卧千峯雪御札時開一炷香莫笑  
未歸田里去宦途機巧盡能忘

書懷簡孫何丁謂

三入承明已七年自慙蹤跡久妨賢吾子幾時歸鳳閣病  
夫方欲買漁船李路肯甘知己矣潘安毛鬢更猶然舉人  
自代何由得歸去東臯種黍田

送柴諫議之任河中

蒲津名郡得名公諫紙盈箱且罷封紅藥塔墀曾吐鳳綠

莎廳事舊鳴菴

故事河府院有綠莎廳唐來治平時好事者常加澆洗兵興之後為不好事者剝去

之公好事者也下車首謁重華廟入境先經五老峰見說

丘門詩板在應教回也繼遺蹤

故兵部王侍郎嘗知河府公之座主也

### 送僕射相公赴西京

五十升端揆西郊保任隆偶拋三事重未失百僚師府縣  
威儀引宮城管鑰隨虞官嫌出將劇位是留司櫻筍供筵  
饌蛸蟬響路歧碧紗題壁處畫錦下車時請兩摩騰塔尋  
芳白傳祠維嵩過舊隱袂洛賦新詩禮絕應懸榻公餘尚  
讀碑筓臺咨拜表內殿列須知易退甘龍卧難虛是鳳池  
兩京全咫尺三入不參差康濟荒年穀風標釘座梨

唐相崔遠

文詞清麗風神峻整時人謂云耳弼諧終在我滕注更同誰溫樹陰猶在

甘棠影暫垂常濡玉堂筆願草白麻詞

送李著作

芸閣新銜捧詔歸歷陽湖畔拜庭闈已聞愛子披朱紱作  
賜服邑猶學嬰兒著綵衣飯饋海陵紅軟稻鱸擊淮水白  
魚肥吾生自失榮親祿謾踏花磚入北扉

送禮部蘓侍郎赴南陽

拜命辭台席扶親道更光風流在東閣優逸是南陽治篋  
排宸翰行衣帶御香袴繡編戶暖扇枕板輿涼鈴閣留僧  
飯書齋著道裝遺蹤尋耿鄧善政法龔黃潭淨秋收菊郊  
平曉坐棠未應淹郡國即是復巖廊一息同盆鳥重來浴  
鳳皇貳卿三十八羞殺老馮唐

制除工部郎中出內署已下滁州作

溫樹陰中別玉堂應星猶得入文昌莫嫌工部官曹慢杜  
甫才名是外郎

詔知滁州軍州事因題二首

曉直銀臺作侍臣暮為郎吏入埃塵一生大抵如春夢三  
點何妨似古人不稱禁中批紫詔猶教淮上擁朱輪時清  
郡小應多暇感激君恩養病身

其二

罷直金鑾領一麾依前顛悴詠江籬所嗟吾道闕消長豈  
為微軀繫盛衰尚媿臨民為父母終當養學校養妻兒自  
憐此度辭京闕猶勝高山副使時



滁州官舍二首

忽從天上謫人間，知向山州住幾年。  
俸外不教收果實，公餘多愛入林泉。  
朝簪未解雖妨道，宦路無機即是禪。  
鈴閣悄然私自問，郡齋何異玉堂前。

其二

失職金鑿假一麾，瑯邪山色遶城池。  
解龜且作三年調，下馬先吟八絕詩。  
勾檢簿書寧失俗，逢迎使命亦隨時。  
公餘不敢妨吟詠，異日聲名繼至之。

獨派及字至之  
及為滁州刺史

堂前井

公署在山上，鑿泉深且清。  
一杯水溜滿，六月火雲生。  
利物誠堪拜，投錢惡近名。  
飲之何以報官况，與詩情。

荒亭晚坐

荒亭秋日沉，獨坐白頭吟。為郡殊無味，歸田素有心。鵲翻  
楓葉亂，螿響菊叢深。微物休相聒，幽懷老不禁。

身世

淮邊為小郡，身世復何云。妻病無醫藥，兒癡典墳簪。裳看  
似夢儂，祿薄如雲不作歸。耕計何階望，致君

琅邪山

東晉元帝以琅邪王渡江常駐此山故  
溪山皆有琅邪之跡不知晉已前何名

也

連峯復嵒，堯峰巒架。沈寥流名自東晉，積翠滿南譙。洞碧  
通仙界，溪明潤藥苗。古臺臨海日，絕嶺見江潮。杉影浮雲  
暗，泉聲出行遙。廟碑傳漢祖，寺額認唐朝。早歲時需稼，靈

縱合禁樵詩章因我盛

唐賢進考多矣無聊邪山詩

屏障遣誰描近住

人多秀頻登酒易銷圖經標八絕滿霍合相饒

### 為郡

為郎為郡意何闌羞拂朝纓蓋病顏賜筆任分雙管赤梳頭已是二毛斑道孤自合先歸隱俸薄無由便買山出坐兩衙皆勉強此心長在水雲間

漢尚書即月給赤管大筆一雙

### 自笑

年來失職別金鑿身世漂淪鬢殘髮貧藉俸錢猶典郡老為郎吏是何官開樽暫喜愁腸破堆案仍勞病眼看自笑不歸田里去謾將名姓掛朝端

### 自問

自問意何如身窮業有餘  
卷懷君子道耽味古人書  
月給非無酒晨羞亦有魚  
山頭刺史宅未替是吾廬

夜長

後樓前閣互嚴更  
年鬢侵人睡漸輕  
病眼已甘書冊廢  
愁腸猶取酒杯傾  
風搖紙帳燈花碎  
月照銅壺漏水清  
吟盡舊詩猶展轉  
百迴移枕未天明

眼病黑花夜不看書數年矣

與嘉祐同游寶應寺

滁陽領郡經三月  
寶應遊山始一迴  
屐齒免憂巖下折  
簿書長苦案頭堆  
溝泉石吟魂健  
漠烟嵐病眼開  
盡日引渠尋勝境  
讀碑看篆掃蒼苔

自笑是迂儒，誠宜與世疎。  
左遷猶上疏，薄俸亦抄書。  
漠漠花侵眼，蕭蕭髮映梳。  
唯當早休去，幽處卜吾廬。

花鹿

花鹿一何馴，長隨病使君。  
必教吾在野，當與爾為群。  
靜飲清溪水，眠閑碧洞雲。  
猶勝市朝裏，逐衆走紛紛。

今冬

休思官職落青雲，且算今冬養病身。  
白紙糊窓堪聽雪，紅爐著火別藏春。  
旋篋官醞漂浮蟻，時取溪魚削白鱗。  
况是豐年公事少，為郎為郡似閑人。

滁上謫居四首

跡去金鑾殿，官移玉笋班。  
才高寧免妬，命薄不如閑。  
曉鑑

悲華髮春膠慰病顏為郎身漸老自笑不歸山

其二

跡忝詞林舊官為郎署卑同羣甘鳥獸苟祿為妻兒未有一事立空驚雙鬢衰唯憐文集裏添得謫官詩

其三

敢歎我命薄所嗟吾道消謫官淮上老京信日邊遙巧宦或五鼎甘貧唯一瓢居然古人事名跡詎相饒

其四

一日復一日悠悠任此生所悲頻謫宦不是厭專城有悔皆因祿無凶未若耕林泉何處好終卜挂吾纓

戲題二章述滁州官况寄翰林舊同院

要知滁上興如何養拙偷安幸亦多小郡既無衣襖使豐  
年兼有袴襦歌公餘處：攜山屐官醞時：泛海螺病眼  
白頭唯醉睡朝廷好事不聞他

其二

要見滁州謫宦情信緣隨俗且營：不誇兩制詞多貴多  
伴三班奉職行樓堞倚空乘月上樽壘有酒對山傾昇沉  
得喪何須問况是浮生已半生

高閑

謫官滁上欲何為唯把高閑度歲時費盡俸錢因合藥忙  
於公事是吟詩京中吏去慵傳信江外僧來與撰碑更待  
吾家婚嫁了解龜休致未全遲

臘月

臘月滁州始覺寒年豐歲暮郡齋閑官供好酒何憂雪天  
與新詩合看山日照野塘梅欲綻燒迴荒徑草猶斑吏人  
散後無公事門戟森：夕鳥還

雪中看梅花因書酒之興

冬來淞上興向長唯吟把情入醉鄉雪片引詩勝玉帛梅  
花勸酒似嬾婦凝眸未厭頻：落擁鼻還憐細：香謫官  
老郎無一物清貧猶且放懷狂

朝簪

一戴朝簪已十年半居謫宦半榮遷壯心無復思行道病  
眼唯堪學禪醉謝陶公長欠酒俸慙吾祖不言錢白頭郎



署成何事見擬休官自種田

陶公云飲酒常不足

賀呂祐之諫議自起居舍人拜命不由自外郎中

鳳閣前年陪武麟步臺昔日是交遊先歸內署身雖忝直  
上高坡命更優玉筍外郎全弃擲土山果毅免經由却應  
迴笑滁陽守官似馮唐半白頭

賀馮起張東二舍人

八年東觀知深屈

馮舍人雍熙丁亥歲與予同直史館

百日南床祗暫經張

知雜入閣下

春暖並吟紅藥樹雲開雙見紫微星綉衣脫後休

持斧珠履拋來免過聽馮兼善應念出官淮水上被人還

笑屈原醒

送都官梁負外同年之江南轉運

月宮同歲取丹枝次第飛翔侍玉墀出職未吟紅藥樹轉

官新入白雲司都官刑部子司使權繁重雖無暇曹局清閑合賦

詩薛能李顛鄭谷皆為都官不似謫官淮水上鬢毛衰颯咏江籬

有傷

壁上時牌催晝夜案頭報朝見存亡懸車又喪司空相延

閣新薨賈侍郎次公相陶鑄官資經化華其登朝後所任

書品題名姓在文塲予應舉時賈公以駕部員外知總惟

一慟無由得徒洒春風淚數行

寄杭州西湖昭慶寺華社主省常上人

夢幻吾身是偶然勞生四十又三年任誇西掖吟紅藥何

似東林種白蓮入定雪龕燈焰直講經霜殿磬聲圓謫官

不得餘杭郡空寄高僧結社篇

送鄭襄歸閩中

襲也甌閩士文高行益修千名逢詔罷歸計逼親憂鷗鳥  
終相狎公卿謾欲得刺桐花下宅蘭蕙奉晨羞

贈王燾

舉子竟文賦風騷委路塵吾宗多警句詩道未無人青眼  
有誰是白頭空鑷頻買生如再召為爾指迷律

病假

小郡雖無事常時亦有勞坐衙衫強着判案筆須操病眼  
因求假身閑更覺高何當長似此歸去老蓬蒿

偶題三首

賈誼因才逐桓譚以識踈古今常似此吾道竟何如

其二

鄭興親未葬張籍眼多昏何時解印綬歸去卧山村

其三

白頭厭卽署病眼欲分司寸心猶未決所願在妻兒

詩酒

白頭卽吏合歸耕猶戀君恩曲郡城已覺功名乖素志祇  
憑詩酒送浮生剛腸減後微、諷病眼昏來細、傾樽杓  
不空編集滿未能將此換公卿

司空相公挽歌三首

全德羣儒服清名信史書何人不調鼎唯我得懸車蕭相

文無害于公慶有餘三川歸葬地松楸自扶踈

其二

執禮身雖退思賢寵未衰垂行三入命遽逼九原期本末  
皆書史功名別樹碑須知文集裏全似白公詩

其三

去歲頻宣召觀燈復賞花徒嫌靈壽杖輕弃富人車列座  
先台席溫顏逼翠華而今宅前路雨破築堤沙

和廬州通判李學士見寄二首

北門西掖久妨賢出入丹墀近八年且把一麾淮水上敢  
思三接浴堂前將何政術稱循吏豈有文章號謫仙除却  
清貧入詩詠山城坐客冷無種

杜工部風贈鄭廣文詩云  
登科四十年坐客寒無種

其二

金鑿失職下蓬瀛也向淮邊領郡城堆案簿書為俗吏滿樓山邑負吟情盧江地近音塵絕斷何遜詩來格調清未得樽前一開口可憐心緒獨搖旌

贈朱巖

未得科名鬢已衰年：顛悴在京師妻裝秋卷停燈坐兒趨朝餐乞米多炊尚對交朋賒酒飲徧看卿相借驢騎誰怜所好還同我韓柳文章李杜詩

戲和壽州曾秘丞黃：詩

黃：真是小巫娥買恐千金價不多母別語嬌空有淚對人聲顛未成歌產從南國勝飛李攜去東山隱薜蘿滌上

老郎無妓女草玄讀易擬如何

又和曾秘丞見贈三首

非才誤受帝恩深報國空存一片心  
命薄任從官進退道孤難與衆浮沉  
日邊信斷無歸夢滌上公餘且醉吟  
芳寄新詩遠相唁野雲何處望為霖

來詩云其如  
夷憂侍為霖

其二

謬因文字立虛名寓直金鑾冒寵榮  
兩度黜官誰是援二毛侵鬢自堪驚  
宮花謾後春來夢山巖聊供醉後羹  
身外浮華盡閑物不將窮達問君平

其三

篋中經歲鏤朝衣自覺心閑少夢思  
失馬叟言徒喻道牧

豬奴戲任逆爭碁且持使節安黔首莫愛恩波沃漏卮况  
是無功頭已白此身長恐負明時

和朱嚴筇別依十韻

之子有文行常流竊比難援毫秋露下

生文學餘力尤工篆隸

開卷

古風寒場屋推盟主聲詩立將壇論儒輕五霸議舌嫉三

桓師仰唯韓愈才名壓李觀

生有師韓說

固窮多短褐憂道即

忘餐見訪山圍郡相逢菊滿欄眼青怜造士頭白媿郎官

罷舉層霄表監州勺水盤貧厨兼味少市醞數杯酸舊業

煩君勸新題為我刊

生為予勸小畜集又書八絕詩石也

臨岐筇雅什天馬

撼錫鑿

賦得紙送朱嚴印席探題



潔白方又正似君心坦平空隨文價貴未免刺毛生客被  
侵霜薄山窓映雪明前春懸作榜應見淡書名

饒州馬殿院頻寄黑髭藥服數千丸斑白未減

作詩以報之

兩州迢遞隔長江寄藥知君念老郎妙術遠慙周柱史衰  
容爭奈漢馮唐未除凡骨無仙分欲斷愁根有醉鄉多羨  
繡衣鬚鬚黑滿身唯帶栢臺霜

歲暮感懷

歲暮山城放逐臣老從霄漢委泥塵公卿別後全無信兄  
弟書來祇說貧眼看青山休未得鬚垂華髮摘空頻文章  
氣槩成何事需惹虛名誤此身

送鄭南進士歸洪州

霜飈楓葉滿長郊家指西山舊結茅訪我謫居龍失水  
伶君行路鳥焚巢仲尼未免遭儒戲楊子何煩解客嘲  
歸去稼章泉好石不知徐孺與誰交

新聲樂以不味辭則難

以古樂與今樂其所以未嘗不異於今者何也  
古樂之於今樂猶天之於地也地之於天猶水之於火也

世隆錄卷之五

王黃州小畜集卷第十一

律詩

茶園十二韻

送董諫議之任湘潭

送江州孫膳部歸闕兼寄承旨侍郎

立春前二日雪

送嚴判官儒歸滁州

將巡堤堰先寄高郵蔣知軍

送閣門秦舍人

病起思歸二首

寒食

酬太常趙丞見寄

張屯田弄璋三日略不會客戲題短什期以

滿月開筵

寄秀才州馮十八禮丞同年

送丁謂之再奉使閩中

牡丹十六韻

朱紅牡丹

芍藥花開憶牡丹絕句

海仙花詩三首并序

后土廟瓊花詩二首并序

櫻桃漸熟牡丹已凋恨不同時輒題二韻

芍藥詩

并序  
三首

暮春

酬高郵知軍蔣殿丞見寄次韻

又和寄藤篋絕句

先帝登遐聖君嗣位追惟恩顧涕泣成章  
登壽寧寺閣

池上作

和國子柳博士喜晴見贈

公退言懷

公餘對竹

官舍偶題

贈呂通祕丞楚州監倉

贈虛已

贈省欽

贈王殿院同年

祭別楊府池亭

池邊菊

揚州道中感事兼簡史館丁學士

太宗皇帝挽歌三首

闕下言懷上執政三首

送鄧察院知朗州

送直館高正言轉運荆湖

送宋澣處士之長安

送刑部韓貲外同年致仕歸華山

贈狀元先輩孫僅

贈浚儀朱學士

書懷送田二舍人自吏部郎中出典泰州

寒食出城馬上偶作

病中書事上集賢錢侍郎五首

賃宅

青猿

寓直偶題

頃年謫宦解梁收得令狐補闕毛詩音義其



本乃會昌三年所寫數行殘缺後人添之  
其筆跡乃工部畢侍郎所補也昨因問之  
乃云亡失多年矣作四韵以還之

伏日偶作

和吏部薛員外見寄

贈密直張諫議

寄狀元孫學士何

送譚殿院之任南陽

送河陽任長官

和屯田楊郎中同年筵別之什

送臨清楊可主簿入蜀

送淳于中舍懸車侍養

送正言楊學士億之任縉雲

送第三人朱巖從事和州

送南陽李太傅二首

壽孫三日

茶園十二韻

揚州作

勤王修歲貢晚駕過郊原  
蔽蒂餘千本青葱共一園  
芽新撐老葉新芽之上去年舊葉尚在土軟迸深根  
舌小侔黃雀毛猗摘綠  
猿出莖香更別入焙火微溫  
採近桐華節生無穀雨痕  
緘滕防遠道進獻趨頭番  
待破華胥夢先經闔闔門  
汲泉鳴玉甃開宴壓瑤樽  
茂育知天意甄收荷主恩  
沃心同直諫

苦言類嘉言未復金鑿名年奉至尊

送董諫議之任湘潭

依：行色滿帆檣又借仁風惠遠方暫去長沙非賈誼猶  
虛計相待張蒼檻前波浪滿湘濶雨後汀洲橘柚香翰苑  
放臣知最幸願聽民訟繼甘棠

送江州孫膳部歸闕兼寄承旨侍郎

九江為郡鬢成霜淮海相逢共黯傷放逐翰林同李白嗟  
跪即署是馮唐才名各負詩千首離別無辭酒一觴歸見  
整頭如借問為言棖也減剛腸

孫子承旨  
侍郎同年

立春前二日雪

一夕滿淮海莎階曉欲平寒氣如臘在勢猛共春爭飄泊

殘梅妬龍鍾老檜擎隨風無定態入竹有繁聲倚檻吟忘  
倦援毫畫不成南鄉消瘴癘東作助農耕片颺鵝毛遠光  
翻翅輕任貧添酒債慵掃慰詩情羣玉峰巒秀華首世界  
清老郎無政術沉酒卧江城

送嚴判官儒歸滁州

永陽謫宦鬢成華唯有賓從最可誇文學東堂進士第風  
流南國相公家移官我未歸丹禁迴掉君今指白沙滁上  
淹翔雖已久寺樓山色對瑯琊

將巡堤堰先寄高郵蔣知軍

二十年前在濮陽賓筵留我共飛觴當時進士衣如雪今  
日即官鬢有霜吏役可堪巡堰埭軍城猶喜接封疆能來

界首相期否堤上依。柳漸黃

送閭門秦舍人

郡印我未解，軺軒君不留。相逢都幾日，此別又經秋。山雪晴猶在，河漸暖漸浮。內庭連上閣，早晚共優游。

病起思歸二首

年來多病轉，思山終日呻。吟簿籍間，寂夜養生休。著論陶潛難，死只因閑。陶潛云人又移郡印三年，調未報君恩。兩斑鬢，安得便歸田里去。松篁泉石掩柴門。

其二

四十為郎非不偶，况曾提筆直瀛州。時明遇主誰甘退，白髮侵人自合休。夢得蹉跎因出郡，劉夢得貶論為諱能詩

什取監州

薛許昌詩云  
監州是戲儒

春來病起思歸甚未敢飛章達冕

旒

### 寒食

寒食江都郡青旗買楚醪樓臺歲綠柳籬落露紅飛妓女  
穿輕履笙歌泛小舫史君慵不出愁坐讀離騷

### 酬太常晁丞見寄

當年布素定交情恨不同為出谷鶯猶作三丞君最屈徧  
尋兩制我知榮湮沉莫厭青衫在彼此俱嗟白髮生重入  
玉堂非所望汶陽田好欲歸耕

晁詩祝子  
再入翰苑

張屯田弄璋三日略不會客戲題短什期以滿

月開筵

布素相知二十年，喜君新咏弄璋篇。  
洗兒已過三朝會，屈客應滿湏月筵。  
桂子定為前進士，蘭芽兼是小屯田。  
至時擔酒移厨去，請辦笙歌與管絃。

寄秀州馮十八禮丞同年

君從婺女典嘉興，我自滁陽到廣陵。  
同被雪霜侵兩鬢，獨嗟官職是三丞。  
郡齋新養華亭鶴，鄉信時逢建業僧。  
願作入朝西道主，只看黃霸詔書徵。

送丁謂之再奉使闕中

繡衣直指東南夷，入奏風謠受聖知。  
持節又從三殿出，演綸還較一年遲。  
朝中謬拜推賢表，江畔空吟惜別詩。  
郡印喧卑文會少，為君搔首落花時。

予在西掖嘗舉謂之

牡丹十六韻

艷絕百花慙花中合商南賦詩情莫倦中酒病先甘國色  
渾無對天香亦不堪遮須施錦帳障戴好上瑤簪苞拆深  
擎露枝拖翠出藍半傾留粉蝶微亞摘宜男鄰妬臨粧妬  
胡蜂得藥會忽行晴吹動濃睡晚烟含話別年經一相逢  
月又三遣吾搨白髮為吾換新衫池館邀賓看衙庭放吏  
叅仙娥喧道院魔女逼禪庵道院禪庵皆署內所有亂折窠難惜分  
題韻更探歌歡殊未厭零落痛曾諳穀雨供湯沐黃鸝助  
笑談顏生如見此也未免醺酣飲酒不

朱紅牡丹

渥丹容貌着霓裾何事僧軒祗一株應是吳宮歌舞罷西



施因醉誤施朱

芍藥花開憶牡丹絕句

風雨無情落牡丹翻階紅藥滿朱欄明皇幸蜀楊妃死縱  
有嬪嬙不喜看

海仙花詩 三首并序

海仙花者世謂之錦帶維揚人傳云初得于  
海州山谷間其枝長而花密若錦帶然予視  
其花未開如海棠既開如文瓜而繁麗懦弱  
過之或不一朶滿頭冠不克荷惜其不香而  
無子易絕第可鉤壓其條移植他所因以釋  
草釋木驗之皆無有也近之好事者作花譜

以海棠為花中神仙子謂此花不在海棠下  
宜以仙為號目之錦帶俚熟甚焉又朶始得  
之地命曰海仙且為賦詩三章題諸僧壁  
一堆絳雪壓春叢嫋々長條弄曉風借問開時何所似々  
將繡被覆薰籠

其二

春憎窈窕教無子天為妖嬈不與香盡日含毫難比興花  
中應是衛莊姜

其三

何年移植在僧家一簇柔條綴彩霞錦帶為名早且俗為  
君呼在海仙花

后土廟瓊花詩二首并序

揚州后土廟有花一枝潔白可愛且其樹大而花繁不知寔何木也俗謂之瓊花云因賦詩以狀其態

誰移琪樹下仙鄉二月輕冰八月霜若使壽陽公主在自當羞見落梅粧

其二

春水薄、壓枝柯分與清香是月娥忽似暑天深澗底老松擎雪白娑娑

櫻桃漸熟牡丹已凋恨不同時輒題二韵

紅芳落盡正無憐吟遶空枝首重搔最恨東君才思少不

筍檀口待櫻桃

芍藥詩三首并序

芍藥之義見毛鄭詩百花之中其名最古謝公直中書省詩云紅藥當階翻自後詞臣引為故事白少傅為主客郎中知制誥有草詞畢咏芍藥詩詞彩甚為該侑然自天后以來牡丹始盛而芍藥之豔衰矣考其實牡丹初號木芍藥蓋本同而末異也予以端拱己丑歲由左司諫為制誥舍人後坐事黜弃淳化初甲午年又以禮部員外郎牽復舊職尋以本官充翰林學士則謝公白傳之任常蹂躪

矣自出滁上移廣陵追念綸闈于今九載而  
編集之內未嘗有芍藥詩言于詞臣不得無  
過揚州僧舍植數千本牡丹落時繁豔可愛  
因賦詩三章書于僧壁

牡丹落盡正淒涼紅藥開時醉一場羽客暗傳尸解術仙  
家重執返魂香蜂尋檀口論前事露濕紅英試曉粧曾忝  
掖垣真舊物多情應認紫微郎

其二

東君着意占殘春得、遲開亦有因曾與掖垣留故事又  
來淮海伴詞臣日燒紅艷排千朶風遞清香滿四隣更愛  
絲頭弄金縷異時相對掌絲綸

其三

滿院勻開似赤城帝鄉齊點上元燈感傷綸閣多情客珍  
重維揚好事僧酌處酒杯深醮甲折來花朵細含稜老郎  
為郡辜朝寄除却吟詩百不能

暮春

索寞紅芳又一年老郎空解惜春殘總聞鶯囀誇楊柳已  
被蟬聲哭牡丹壯志休磨三尺劍白頭誰藉兩梁冠酒罇  
何必勞人勸且折餘花更盡歡

訓高郵知軍蔣殿丞見寄

次韻

青雲豈望更翱翔覽照唯添鬢雪光為郡自知無政術歸  
田猶擬拜封章且眠錦帳趣蘭省終掩雲閣卧草堂三入

承明已過分有何詞筆敬常楊

予兩知制誥  
一入翰林

又和寄惠藤篋絕句

蠻藤編篋自番禺錦袋羅囊盡不如乞與揚州貯詩草行

春誰怕雨隨車

藤篋  
耐雨

先帝登遐聖君嗣位追惟恩願涕泣成章

鼎湖髯斷去難攀九五飛龍已御天乾兩制舊臣生白髮  
一番新貴上青天老為郎吏承綬經假作諸侯哭几筵踈  
賤無由撰哀冊夢中空負筆如椽

登壽寧寺閣

乘輿登虛閣披襟一望間聖朝新日月

時上初  
即位

正國舊江

山柱隔晴虹斷簷喧夕鳥還歸衙不辭晚吟思白雲閑

池上作

未遂滄州去池邊弄綠波醉浮船底兀吟遠履痕多靜照  
新華髮沉思舊釣蓑晚涼得幽趣魚戲上圓荷

和國子柳博士喜晴見贈

霖霖為害正憂農昨日陰雲散碧空潑刺退灘魚失水喑  
啾高樹鳥知風洗開霽月婵娟色放出秋花萼萼紅勞寄  
新詩曲相賀由來災異繫三公

公退言懷

吏骨圍繞簿書堆病眼昏々素髮垂已覺文章無用處不  
歸田里待何時兩衙決事官差我五日延英詔問誰賴有  
古人蹤跡在只應蓬室是吾師



公餘對竹

冠褐飄、乍退公引吟筍生一叢、買漆幽景渾無價洗  
却繁陰別有風曾任雪欺終古綠也從桃映暫時紅此君  
合是吾廬物會種婣娟伴釣翁

官舍偶題

俸錢隨月盡公務逐時生白髮多悲感皇華倦送迎春身  
無寔事困我為虛名會向滄浪上秋風自濯纓

贈呂通秘丞楚州監倉

聞君公事苦喧卑紅粟堆邊獨歛眉已入朝行翻掌庾未  
如畿尉且吟詩君前任畿尉堰頭笑傲同張祐市裏優游比路  
隨唯有才名歲不得山陽留滯肯多時

贈虛已

谿邊幽樹好烟霞別後春風幾度花  
夢憶一岩紅薜荔心  
輕三事紫袈裟  
禪機悟了身無着  
詩句高來鬢有華  
不遇蘇州韋應物  
畫公篇什向誰誇

贈省欽

師善八分太宗名子  
殿上書數行賜紫

舊隱何年別翠微  
瀑泉聲入鎖禪扉  
御前曾寫八分字  
天上特宣三事衣  
燈照夜庵霜後冷  
鼎烹秋圃雨中肥  
終歸五老峰邊去  
杯渡長江一錫飛

贈王殿院同年

幾年淮海歎驅馳  
羨拜初聞入奏時  
乍作臺官勞馬揖  
合為巡使近龍墀  
多從此地升三字  
莫向朝端說四推  
縱遇

省橋休拘項郎官班列甚喧卑

時郎中八十餘負二外一數百負唯臺官稍少

留別楊府池亭

竹遶亭臺柳拂池徘徊終戀郡  
齋西斜陽更上漁舟坐  
明日紅塵逐馬蹄

池邊菊

綠池遶逕幾千栽準擬登高泛酒杯  
未到重陽歸闕去金英寂寞為誰開

揚州道中感事兼簡史館丁學士

時與丁同赴京

淮邊為郡再相聞又得同途赴九重  
願我尚騎天廐馬共君遙想鼎湖龍  
賈生比望朝文帝白傳何期哭憲宗  
攜手驛橋殘照裏斷魂空斷隔江峯

太宗皇帝挽歌 三首

卜世知無極上仙安可尋  
祝堯違衆望傳啓合天心  
陵栢蕭騷韻階茅寂寞陰  
何人開殿閣塵暗九絃琴

其二

舜化無偏黨堯年久耄期  
世間人自哭天上事難知  
終讓東封禮遂成南狩悲  
金戀舊學士頭白涕漣洏

其三

日到虞泉落天從杞國崩  
去年壽寧節令夕永熙陵  
薤露悲風起松所苦霧凝  
龍髯攀不及千古恨難勝

閣下言懷上執政 三首

謬提文筆侍先皇  
謫宦歸來遇國喪  
仙駕只留燒藥鼎  
總

惟猶認讀書囊北辰別見天垂象西內渾疑海變桑昨日  
梓宮陪哭臨淚多唯有老馮唐

其二

早有虛名達九重宦途流落漸龍鍾散為郎吏同元稹羞  
見都人看李邕舊日謬吟紅藥樹新朝曾獻皂囊封猶期  
少報君恩了歸卧山村作老農

其三

誥詞黜責子孫羞欲雪前冤事已休浴殿失恩成一夢鼎  
湖攀駕即千秋道邊任死心終直澤吟長吟淚暗流虞舜  
五臣知此事戲儒已免更監州

薛能詩云監州是戲儒

送邵察院知朗州

察院有淮南轉運乞侍養因有此除并拜母為縣大君

郡齋全占五谿雲，就養辭權以孝聞。  
重戴舊稱秦御史，高堂新授漢封君。  
板輿為別經三載，壽酒先斟滿十分。  
我歎今生無此事，賦詩相送淚霑。

送直館高正言轉運荆湖

象笏烏紗諫署榮，運輸權重使蠻荆。  
職分三館圖書貴，地轄重湖水石清。  
貧吏望風潛解印，逋民知惠自歸耕。  
書官寂寞馮唐老，多謝乘軺澤國行。

送宋澥處士之長安

內翰舍人弟

簪笏監門獨紉蘭，卧龍潜在八龍間。  
錫原任說朝賢貴，鶴氅惟稱處士閑。  
靜按仙經燒大藥，狂挨僧壁畫遙山。  
老郎見作歸休計，分取圭峰並掩關。

送刑部員韓外同年致仕歸華山

自察院  
求致仕

抗表辭烏府歸山鬢未秋  
朝簪還獬豸塵世謝蟬蛻拂袖  
人生事縣車帝命優名光新日  
磨官占好詞頭應宿郎曹  
羨尋山物景幽繡衣移蕙帶  
驄馬換耕牛對枕蓮峰翠當  
門瀑布流婁閑栽藥草兒戲  
雜猿猴買竹憑牙板疏泉濕  
鹿裘四推離督責三院肯淹  
舄接武陶貞白羞肩許遠遊  
十洲如得侶萬戶任封侯  
脫洒因君去龍鍾使我羞  
邊鶯情最洽化鶴術難求  
掌誥無文彩謀身足悔尤  
紫垣頻忝白髮合歸休  
應璉叨三入張衡志四愁  
亦期婚嫁畢攘袂逐浮丘

贈狀元先輩孫僅

病中何事忽開顏記得詩稱小狀元

子淳化年卯歲贈君詩云明年再就堯塔

試應被元

粉壁乍懸龍虎榜錦標終屬鵲錫原青雲隨步

登花塔紅雪飄衣醉杏園還有一條遺恨處不教英俊在

吾門

贈浚儀朱學士

台符新知貢舉

潘岳花陰覆杏壇門生叅謁絳紗寬西垣久望神仙侶北  
部休誇父母官兩屐送僧莎遶滑夜碁留客竹齋寒何時  
傑直來相伴三入承明興漸闌

書懷送田二舍人自吏部郎中出典秦州

共歎蹉跎兩鬢蒼立朝為郡是尋常重歸謝客中書省又  
送山濤吏部郎三入承明身最忝十年兄事分偏長喜聞



辨日留前席莫算多時住水鄉

寒食出城馬上偶作

欲報君親與願違今年寒食任芳菲  
八音遇密因山後雙淚滂沱拜墓後  
歸艸冶桃花迎馬笑輕狂榆英撲人飛  
官途時態更諳盡猶媿妨賢直紫微

病中書事上集賢錢侍郎五首

力疾奉朝謁歸來倦送迎老為儒術誤  
瘦愛道裝輕羅樂幽香散移琴細韻生  
晨餐漸有味筍蕨倍關情

其二

妻兒慣疏素僕馬任龍鍾一榻渾無物  
孤琴對病容風翻簾影亂早減井痕重  
幽寂誰為伴扶行賴瘦筇

其三

食貧當歲旱朝退只端憂典笏逢休假焚香願有秋病飢  
渾厭肉瘦冷未更裘夢見山村興披蓑釣乳流

其四

卽署領制誥十年未上坡馮唐空潦倒銜綰是誰何猶賴  
紫垣直聊遮白髮多歸田未有計村樹綠婆娑

其五

日月奉朝請病多仍食貧揶揄應有鬼夷俟豈無人鳳閣  
十年筆烏紗九陌塵集仙知已在應為指迷津

賃宅

老病形容日：衰十年賃宅住京師閣樓鳳鳥容三入巢

宿鷓鴣欠一枝壁掛圖書多不久砌栽蘆葦亦頻移人生  
榮賤須知分會買茅庵映槿籬

青猿

小僕如猿狖貧家備指呼未堪隨馬足已慣典魚須時洗  
塵侵硯開收兩滴圖歸田如有計留負酒胡盧

寓直偶題

兩朝書命媿無才謾逐詞臣侍玉階病似相如多避事拙  
于方朔少詼諧命奇只合先休退道在何妨更卷懷白首  
猶期議封禪一隨鑿輅見燔柴

頃年謫宦解梁收得令狐補闕毛詩音義其本  
乃會昌三年所寫數行殘缺後人添之其筆

跡乃工部畢侍郎所補也昨因問之乃云亡  
失多年矣作四韵以還之

謫宦山州自訓童因求書籍有遭逢偶收毛鄭古詩義認

得歐虞舊筆踪南郡攜行心不足

此本自解梁徵也便台

幕府不敢私謁遂

攜去滁楊二州西齋送去手親封塵侵烟染尤堪重年

號標歷武宗

伏日偶作

移床拖簟就南軒門掩閑坊半樹蟬多病形容唯有骨食  
貧生計旋無錢掖垣已忝年深直朝謁終妨日晏眠會解  
綸闈求郡印早收餘俸卜歸田

和吏部薛負外見寄

振也好剛多悔吞唯憑忠信自書紳嚴陵知退遺榮利只  
擬滄浪把釣綸老去趁朝慵待旦病來求假動經旬西垣  
興味更諳盡一片烏紗滿馬塵

贈宓直張諫議与子結婚

先皇憂蜀輟樞臣獨冒兵戈出劍門萬里辭家堪下淚四  
年歸闕似還魂弟兄齒序元投分兒女情親又結婚且喜  
相逢開口笑甘陳功業不須論

寄狀元孫學士何

久居臺閣多憂畏欲薦賢才涉比周灰死寸心甘不動雪  
侵雙鬢未能休封章事寢空騰謗制誥詞荒益自羞唯愛  
棟華君家棣華榜登科記上並龍頭

送譚殿院之任南陽

大抵人生樂故居山川况復漢南都  
別來墳墓有宿草歸去田園多綠蕪  
銀印莫羞雙鬢白錦衣兼照兩轡朱  
西垣衰病無慘客空羨此行謔袴襦

送河陽任長官

宰君行李苦蕭疎妻子龍鍾尚跨驢  
醉眼且看花滿縣愁顏莫望果盈車  
頭銜新換呼明府科第元高得校書  
誰解吟詩送行色茂陵多病老相如

和屯田楊郎中同年筓別之什

科名長恐辱同年許國丹誠皎日懸  
謬掌斯文雖未喪欲行吾道即無權  
謝公筓滯蒼苔院潘岳征行落葉天  
引重

力輕深自媿強訓詩益凄然

予嘗舉奏七  
日未有恩旨

送臨清楊可主簿入蜀

楊父為諸司使祖有贈  
官及第授官後以父命

歸拜祖墳  
焚所贈告

脫白去焚黃遙知祖德光墓墳喬木老襟袖桂枝香迴見  
梅含雪歸逢橘飽霜子雲應有宅為奠草玄堂

送淳于中舍懸車侍養

懸車乘去謝明朝擺脫簪纓似一毛望苑官清諧侍養督  
郵名賤取徒勞青宮位在他年起綵服身歸此日高我媿  
無親尸厚祿與君命書淚霑袍

君授萊州錄  
事乞致仕

送正言楊學士億之任緡雲

弱冠珥朝簪才堪入翰林重違君厚遇聊奉母心懽筆削

留博史囊裝貯賜金帆張淝河湖山對括蒼深暫歇趨朝  
馬重聞故國禽幽蘭南澗採壽酒北堂斟務簡慵開閣家  
豐不典琴彩衣方侍養紅藥即供吟我占掖垣久自驚年  
鬢侵妨賢兼固極相送淚盈襟

第送三人朱嚴先輩從事和州

乘船東下歷陽湖榜眼科名釋褐初  
賓職不憂無厚俸郡齋唯喜有藏書  
藏書尤多伴吟先買秋江鶴醒酒時烹晚市  
魚庶使多情應問我為言衰病似相如

送南陽李太傅二首

兩朝黃閣預彌綸又策春坊第一勲  
僧塔舊題前進士齋壇新拜上將軍  
馮噴金勒衝微雪雁避紅旌入斷雲  
還似



徐州張僕射御詩相送四方聞

其二

紅旆飄、奪曉霞御筵相送出京華  
仲尼姐豆真儒者卻  
穀詩書屬將家  
腰下如懸如斗印  
門前看見築堤沙  
先朝  
學士期牽復待草南陽入相麻

壽孫三日

經年病不飲此日一開樽  
鑑裏休嫌老懷中已抱孫  
紅綳  
裁錦段香水浴銀盆  
他日歸田相扶入華門

王黃州小畜集卷第十二

詩行

謝宣賜 御草書急就章并朱邱舊集詩

應制 皇帝親試貢士詩

謝政事王侍郎伏日送冰

酬贈田舍人

對雪示嘉祐

送姚著作之任宣城

送晁監丞赴婺州關市之役

還揚州許書記家集

酬處才上人

野竹家

和張校書吳縣廳前冬日雙開牡丹

和馮中允爐邊偶作

賦得南山行送馮中允之辛谷冶按獄

烏啄瘡驢詩

謝宣賜

御草書急就章并朱邱舊集詩

臣聞伏羲畫卦朴且淳蒼頡造字初有文大篆小篆八分  
體楷隸章草何紛紜因茲八法各有要遂使六藝區以分  
其中最難惟草聖玄妙功夫自天性又聞關雎本王化四  
始洋洋風化下比興賦頌六義分乃有變風兼變雅仲尼  
刪後屈平作郢客李陵闢名價古來詩道難得人其唱彌  
高和彌寡如今草聖與雅言盡在

吾皇萬機暇元年十月近乾明崇文院靜寒霜晴直廬日  
午讎書罷閑曳朱衣遶砌行中使傳宣來上界忙把魚須  
下堦拜寶函鈿軸光陸離

御札文書御製詩折腰搢笏拭雙目汗流魄駭聊一窺急  
就章何縱橫藍田種玉苗初成雪花灑破煙嵐壁黑雲漏  
出天漢星乍似鮫人泣下珠無數錯落晶熒滿盤貯又似  
大鯨吞盡滄海波查牙露出珊瑚樹朱邱集何清竒仙風  
撼動瓊林枝漢皇休道白雲句穆滿虛吟黃竹詩乍似三  
春直上伯陽臺熙熙物華當眼開又似十洲夜伴王母宴  
鸞訝鳳吟次第來小臣再拜受一軸擣紙抄詩抄未足焚  
香朝向天日看執簡夜對星辰讀臣見高宗飛帛亦有名

筆跡往往頌公卿所得不過三五字當時臣子猶為榮又見玄宗詩什頗留意吟詠時時成御製屬和止于一兩篇至今史冊猶為貴若徵往事比明時萬分之一徒爾為未如我四十三紙聖人作一百二章天子詩永為家寶藏書篋豈讓西方貝多葉且教世世傳子孫長與

皇家作臣妾

應制 皇帝親試貢士詩

天王出震寰海清奎星燦燦昭文明詔令郡國貢多士大張珠網羅群英皇情孜孜終不倦日斜猶御金鑾殿宮柳低籠三月煙爐香飛入千人硯麻衣皎皎光如雪一一重瞳親鑒別孤寒得路荷君恩聚首唯言盡臣節小臣蹤跡本

塵泥登科曾賦御前題屈指方經五六載如今已上青雲  
梯位列諫官無一語自問將何報明主應制非才但淚垂  
強作登訶訶舜禹

謝政事王侍郎伏日送冰

火雲如山暑雨歇天地爐烘三伏月玉皇教散閭苑冰斲  
開北陸瓊瑰窟峨峨貯向瑤花合分命中官賜黃閣鳳皇  
池上玉壺盛溫樹風聲頓蕭颺台恩分與西垣士綸誥稀  
踈方假寐卞和抱璞入直廬從此驚忙不成睡怒蠅休向  
筆端飛抵鵲渾疑山下墜寒生毛髮清牙齒脆若玉芝甘  
似醴炎風暑氣都不知空作狂訶謝知己

酬贈田舍人

君不見天上星辰拱環極忽然墮地變成石又不見雲中  
鷹鷂橫高秋有時榻翼化作鳩人生進退甚類此左遷右  
轉誰自由憶昔逢君在鄒魯翰林文人東道主一言得意  
便定交數日論文暗相許邇來倏忽十餘年共上赤霄連  
步武禁中更直承明廬深喜蒹葭依玉樹兩制惟君最清  
慎筆力辭鋒有餘刃方期夜直金鑿坡誰知共理淮陽郡  
官銜新換版曹郎腰佩初懸列侯印西垣三字班列閑南  
面百城資望峻且應盡意頒詔條豈復迴頭顧文陣下車  
果有謳謠生賣刀買犢民歸耕黃髮老農鼓腹唱雪花雙  
鹿挾輶行棠陰露濃滴朱紱麥秋風冷吹紅旌行春多暇  
吟情發閑作長詞寄同列詞中首寫明君語指點神仙為

舊侶嚴徐雖合在蓬瀛邵杜已聞為父母重來便恐調金  
鉉無復區區掌文翰直如經歲未徵黃道在何勞重嗟嘆  
入則步蒼苔詠紅藥了事舍人孫處約出則張皂蓋擁朱  
輪賢明太守召信臣請君屈指數交友似此官名能幾人  
逢時誰不欲行道遇主我亦思庇民功名富貴皆待命出  
處語默聊衛身一車甘雨方建隼萬國淳風莫泣麟他時  
宣室召賈誼賢人事業當併伸未間忍見烏兔走鑑裏星  
星將白首休耽鈴閣家藏書且酌郡齋官給酒嬰兒稚女  
滿眼前莫負時光笑開口

對雪示嘉祐

去年看雪在商州使君命我山寺頭峰巒草樹六百里飢



騷凍鳥聲啾啾山城窮陋無妓樂何以銷得騷人愁抱餅  
自瀉不待勸乘興一引連十甌晚歸上馬頰自適狂吟醉  
舞夜不休今年看雪在帝里瑤臺瓊樹佳氣浮朝迴攬轡  
聊四望移下五城十二樓樽中有酒翻不飲鬱鬱不快非  
怨尤吾兒嬌駿未曉事問我胡不私獻酬因令把筆寫我  
意爲渠吟作雪中謳昔爲副使不理事待罪且免憂人憂  
今爲諫官非冗長拾遺三館俸入優秋來連澍百日雨禾  
黍漂溺多不收如今行潦占南畝農夫失望無來麩爾看  
門外飢餓者往往殭殍填渠溝我冠旅進又旅退曾無一  
事裨皇猷俸錢一月數家賦朝衣一襲幾人裘安邊不學  
趙充國富民不作田千秋胡爲碌碌事文筆謬時頌聖如

能優一家衣食仰在我縱得飽煖如狗偷况我眼昏頭漸  
白安能隱几勤校讎何時提汝歸田去賣馬可易數隻牛  
深耕淺種苟自給藜羹豆粥充飢喉黍畦鋤理學元亮瓜  
田澆灌師秦侯素飧免作疲人蠹開卷免對古人羞未行  
此志吾戚戚對酒不飲抑有由斯言不敢向人道語爾小  
子為貽謀

送姚著作之任宣城

平生聞說宣城郡水石幽竒人物俊檻外澄江練不收窻  
中遠岫眉初印六朝繁盛至隋唐才人名士遙相望謝公  
向此憑熊軾白傅曾為鹿鳴客江樓山寺多賦詩往往題  
名在僧壁

皇家早歲平吳後翰林賈公爲太守至今清話玉堂中夸  
託江山不離口

吾君御極初選藝東樞貳卿新擢第解褐曾縻佐郡官首  
得宣城爲歷試紫微田郎次登科東樞受代傳廳事第三  
榜中第二人今在烏臺爲察視邇來通倅少名流雲泉竹  
樹應包羞今春忽命桃著作學術縱橫才磊落當年雄揖  
第三名官路迤邐久漂泊去歲獻文重召試新恩始上芸  
香閣未教修史未演綸宣城奉使聊親民且忻彩服得就  
養莫歎朱衣未即真舊遊應有交朋在此去仍言婚宦新  
下車布政民休休高吟淡酌誰獻酬夜深紅燭在何處綺  
霞閣通疊嶂樓公權書札燕許詞未免山僧乞撰碑撰碑

書碑即三載眼看徵詔在丹墀却愁未盡江南興閑坐蓬  
瀛揮玉柄黃樞侍臣兩制官待君同說宣城景

送晁監丞赴婺州關市之役

關征市賦縻賢俊誰愛此官為吏隱將作晁丞于役時婺  
女星臨海邊郡黃綃辭高位尚卑白華行縈身猶困會待  
時來即併伸也知道在終無悶君不見路隨含笑坐市中  
屈身豈愧丹陽尹又不見張生狂醉戀揚州冬瓜堰下甘  
肥適此行况是奉皇華數丈輕舸載一家携餅下岸買竹  
葉挂席背風穿蓼花霜晴震澤初嘗橘泉過惠山應試茶  
虎谿曉雲靈隱雪錢塘夜潮照湖月密排詩景在途中旋  
吟新句教兒童漸近金華見隼旗五馬來迎使者車應知

驥足暫拘絆八詠樓開頻啓宴醉中官妓乞詩詩刻谿紙  
貴抄新詞他年誰獻子虛賦召入金門五雲路因思元白  
在江東不似晁丞今獨步

還揚州許書記家集

許渾孫進  
家集得官

君不見近代詩家流胡爲蹇滯多窮愁孟郊顛顛死逆旅  
浪仙斤逐長江頭張生漂泊冬瓜堰徒去輕薄萬戶侯  
然無成鹿門去李洞慟哭昭陵休生無風教興王化死無  
勳爵貽孫謀可憐詩道日已替風騷委地何人收高陽許  
公精六義獨向

聖朝生後嗣因將先集進九重高步金臺曳珠履祖德光

輝

聖主知府尹賢明丞相子

時維楊權牧即故中令薛相之子

廣陵郡大古

九州記室官清外三字遂令天下學詩人徒羨君家窮四  
始我來迎侍游江都玳筵往往陪歡娛遂求家集恣吟諷  
海波乾虺堆珊瑚因思賈孟數家一何苦詩鬼嗷嗷餒無  
主子孫淪沒誰及君閑倚紅蓮傾綠醕草檄餘閑好賦詩  
莫放風情忝爾祖

酬處才上人

我聞三代淳且質華人熙熙誰信佛茹蔬剃髮在西戎胡  
法不敢干華風周家子孫何不肖奢淫昏亂墜王道秦皇  
漢帝又雜霸只以威刑取天下蒼生哀苦不自知從此中  
國思蠻夷無端更作金人夢萬里迎來萬民重爲君爲相

猶歸依嗷嗷聾俗誰敢非若教却似周公時生民豈肯湏  
披緇可憐嗷嗷避征役半入金田不耕織君子之道動即  
窮亦有賢達藏其中上人來自九華山叩門遺我瓊瑤編  
錚錚五軸餘百篇定交仍以書爲先書中不說經文中不  
言佛有心直欲興文物感師自遠來相親爲師畫卦成同  
人出門无咎非群分袂裳墨綬何足去

時爲長  
洲令

和張校書吳縣廳前冬日雙開牡丹詩

依韻

君不見年年三月千叢媚紫爛紅繁誇勝異尋常人載滿  
頭歸醉折狂分不爲貴枝開葉盡根空培人情皆待明年  
開化工自有呼魂術霜前喚下瓊瑤臺王母親將金粉傳  
麻姑齊借霓裳來主人蓋是神仙才不然此物胡爲而來

哉二姬勸酒誰引滿長洲懶吏先舉杯多感同年與攀折  
吟詩欲謝難輕發青宮校書方遁跡代我作謔如錦拚他  
年吾輩功業成與君共作騎鯨客

和馮中允爐邊偶作

誰爲東君掌青律故將春日連人日春日雨絲暖融融人  
日雪花寒慄慄雨雪寒暖苦不同可比交情去就中仲咸  
擁爐發謔詠古風激破澆漓風人情離合古來有召公初  
亦疑周公汾陽臨淮本讎隙一旦分兵若親戚四公翻覆  
人不譏各各操心爲邦國此外講張多爲己反掌背面如  
千里張耳陳餘不忍言魏其武安何足齒我愛中庸君子  
心心與人交淡如水別有人間勢利徒一去一就隨榮枯



西漢董賢方倖倖孔光迎拜卑如奴是時楊雄在東觀投  
閣欲死無人扶有唐力士夫人死朝士執喪平如喪妣是  
時李白放江邊憔悴無人供酒錢小人之性何所似真如  
蜂蝶并螻蟻尋春逐臭苟朝昏豈顧松篁與蘭茝重君誓  
心一何極澗底松兮陵上栢澗松陵栢有朽時我約君心  
無改易

賦得南山行送馮中允之辛谷冶按獄

商山三月花如火草樹青葱雨初過柳條漸軟蝶雙飛  
桑葉尚多蠶一卧薄情野水流不迴無力春雲慵欲墮  
榆莢是誰拋漠漠游絲向人釋可憐花木間嵐光花前正  
好飛觥觴馮君鳳駕一何速捧檄銀坑按辛谷轉輸昨日

又移文小眊許牒何紛紜見說南山六百里阻盡馬蹄摧  
履齒是何屈于不知已衝斗太阿教補履龍無尺水且蟠  
泥驥困鹽車但垂耳片言折獄亦胡爲必也無訟方君子  
吾徒事業本稽古得行其志當刑措畫衣畫地免煩苛抵  
壁捐金返淳素未行此道且營營營營爲祿聊代耕殘春  
小別不足念爲君高唱南山行南山一月期迴首莫許臨  
歧數卮酒

烏啄瘡驢哥

商山老烏何慘酷喙長于釘利于鏃拾蟲啄卵從爾爲安  
得殘吾負瘡畜我從去歲謫商於行李惟存一蹇驢來登  
秦嶺又巉嶺爲我馱背百卷書穿皮露脊痕連腹半年治

療將平復老鳥昨日忽下來啄破舊瘡取新肉驢號僕叫  
鳥已飛剃鬚整毛坐吾屋我驢我僕奈爾何悔不挾彈更  
張羅賴是商山多鷲鳥便問鄰家借秋鷄鐵爾拳兮鈞爾  
爪折鳥頸兮食鳥腦豈唯取爾飢腸飽亦與瘡驢復餓了

王黃州小畜集卷第十二

王黃州小畜集卷第十三

詞行

謝安祕丞詞詩集

謝安祕丞見贈長詞

拍板謠

對酒吟

戰城南

苦熱行

瑞蓮詞

筵上狂詞送侍綦衣襖天使

還揚遂蜀中集

啄木詞

秋鷲詞

江豚詞

訓安祕丞詞詩集

我聞天有二十八箇星降生下界爲英靈東方曼倩蕭相  
國至今留得終天名又聞地有三十六所洞洞中多聚神  
仙衆神仙負過遭譴謫來人世爲辭客李白王維并杜  
甫詩顛酒狂振寰宇今來相去千百年寥落乾坤間無覩  
皇天何不生奇人庸兒蠢夫空紛紛夜眠朝走不覺老飯  
囊酒甕瓦奚足去陶丘忽見安祕書星精仙骨真有餘月中  
曾折最高桂趨出玉兔驚蟾蜍示我詞詩百餘首筆鋒閃

閃摩星斗乍似碧落長拖萬丈虹飲竭四海波瀾空又似  
赤晴乾撒一陣雹打折瓊林枝倒卓夜來夢見李長吉叩  
頭再拜須來乞自言失却照海珠至今黑坐驪龍窟方知  
安侯不是星辰類即是神仙輩不然又爭得標格峻邁文  
辭顛恠有時醉起一長噫詞八極風清鬼神駭他年却入  
蓬萊宮休使麻姑更吧背

誄安秘丞見贈長詩

我聞進士登科換凡骨信知不是風塵物貢籍有來數百  
年直疑空却神仙窟其間最貴龍虎榜乘時得路爲卿相  
一從巢寇犯闕來梁氏禮闈還草創莊宗明宗雖膺命晉  
朝漢朝俱不永其中縱得神仙材太平不見哀之哉上玄

應恐天地閑安仙又謫來人橐二十把筆疏辭源黃河傾  
落崑崙山有周道衰猶歎鳳天公留得歸

皇宋天水夕郎掌貢時禹門萬仞連雲聳不是真龍不能  
過噴波怒浪澆雷火是歲北極七箇星一時下降爲門生  
安仙堂堂冠其首六星煌煌願隨後騶虞賦就鏗金石丹  
水詩成摘錦繡玉皇殿前受恩渥一時命入芙蓉幕獨得  
歸州近巫峽十二晴峰長在睫郡齋狂醉復狂吟書盡巴  
東一川葉邇來遊宦五六年吳山越水供新編還同白傅  
蘇杭日謔詩落筆人爭傳去年始上芸香閣出典陶丘滯  
鋒鐔阮籍營中浮蟻馨亞夫門外垂楊弱驥足雖知暫縻  
絆樽前未始長嗟歎只應會得老聃言大器本來成較晚

吾君正是興文教不日徵歸掌綸誥醉挨雉扇掃宮辭怒  
上螭頭呈諫草筆下追還三代風祛盡澆漓成古道丈夫  
方見兼濟才莫學西山採薇老我今自是蓬蒿身如何一  
見如故人長詞謂我相翦飾便疑平地升青雲文章難得  
逢知己知己相逢貴終始伊我行止方悽悽老親稚子相  
顧啼出門動足歧路迷得君引上登天梯

拍板謠

麻姑親採扶桑木鏤脆排焦其數六雙成捧立王母前曾  
按瑤池白雲曲幾時流落來人間梨園部中齊管絃管絃  
才動我能應知音審樂功何全吳宮女兒手如筍執向玳  
筵爲樂準數聲慢仙人履齒下雲棧老狐臘月渡黃河緩



步輕輕踏冰片數聲急空江電打漁翁笠鮫人泣對水精  
盤滿把珠璣連瀉入劃然一聲送曲徹由基射透七重札  
金罍冷落闌無聞龍頭凍把泉聲絕律呂與我數自齊絲  
竹望我爲宗師總驅節奏在術內歌舞之人無我欺所以  
唐相牛僧孺爲文命之爲樂句

對酒吟

勸君莫把青銅照一瞬浮生何足道麻姑又採東海桑閨  
苑宮中養蠶老任是唐虞與姬孔蕭蕭寒草埋孤塚我恐  
自古賢愚骨疊過北邙高突兀少年對酒且爲娛幾日樽  
前垂白髮安得滄溟盡爲酒滔滔傾入愁人口從他一醉  
千百年六轡蒼龍任犇走男兒得志升青雲須教利澤施

于民窮來高枕卧白屋蕙帶藜羹還自足功名富貴不由人休學唐衢放聲哭

戰城南

邊城草樹春無花秦骸漢骨埋黃沙陣雲疑着不肯散胡  
雛夜夜空吹笳我聞秦築萬里城疊屍壘土愁雲平又聞  
漢發五道兵祁連澤北誇橫行破除虜綬因胡亥始知禍  
起蕭牆內耗蠹中原過太半黃金買耐諸侯叛直饒侵到  
木葉山爭似垂衣施廟筭大漠由來生醜虜見日設拜尊  
中土自古控御全在仁何必窮兵兼黷武戰城南年來春  
草何纖纖窮荒近日恩信霑寒巖凍岫青如藍方知中國有  
聖人塞垣自爾除妖氛河湟父老何忻忻受降城外重耕耜

苦熱行

六龍銜火燒寰宇魏王冰井如湯煮松枝桂葉疑若癡喘  
殺谿頭嘯風虎北溟鎔却萬丈冰千斤凍鼠忙如蒸我聞  
胡土長飛雪此時日曬地皮裂仙芝瑤草不敢茁湘川竹  
焦琅玕折西郊雲好雨不垂堆青疊碧徒爾爲

瑞蓮謠

并序

宴設都頭宋承武其先嘗爲黃州刺史有別墅在關城東  
南池生瑞蓮承武來告因與從事曾校書汎小舟以驗之  
退而作謠以紀其事

江城五月江雨晴荷花到處紅交橫宋家池上瑞蓮生娟  
娟出叢抽一莖莖端茵茵開兩朶忽似娥皇將女英九疑

望斷蒼梧暮，低頭並照湘。波清花落蓮，成碧於卯瑟。瑟塵輕，熨人眼。蕭郎弄玉合。鬢時一齊覆，下瑠璃。盞草木效靈，載圖史，守臣盡可聞天子。

吾君有詔，抑祥瑞，異獸珍禽，不爲貴。瑞蓮無路，達冕旒也。隨衆卉，老池頭。吏民歸美，賀郡守，敢貪天功爲己。有古來善政，數杜詩，桑無附枝，麥兩歧。瑞蓮信美，產茲土，起予謾作閒詞。辭年年更願，再熟稻倉箱，免使吾民饑。

筵上狂詞，送侍茶衣襖天使。

昔事

先皇叨近侍，北門西掖清華地。

太宗多材復多藝，萬機餘暇翻碁勢。對面千里爲第一，獨

飛天蛾爲第二第三海底取明珠三陣堂堂皆御製中使  
宣來示近臣天機祕密通鬼神乃知棊法同軍法旣誠貪  
心又嫌怯唯宜靜勝守封疆不樂窮兵用戈甲

先皇三勢有深旨豈獨一枰而已矣當時受賜感君恩藏  
於篋笥傳子孫至道年中出滁上失脚青雲空悵望移典  
維揚日望還軒轅鼎成飛上天龍髯忽斷攀不得舊朝衣  
上淚潺湲

吾皇曲念

先朝物徵歸再掌西垣筆悲涼忽見紅藥開哭臨空隨梓  
宮出去年領郡得齊安山州僻陋在江干黃民誰識舊學  
士白頭猶作老郎官昨日江邊天使到隨例霑恩着衣襖

皇華本是江南客久侍

先皇對碁弈筵中偶說當年事三勢分明皆記得我從失  
職別上臺御書深鎖不將來遙想碁圖在私室天香散盡  
空塵埃今日因君聊話及翻作停杯向隅泣人生不易逢  
聖朝君恩未報雙鬢凋金鑾殿花春灼灼永熙陵樹夜蕭  
蕭空歎拖腸在泥土不如舐鼎升煙霄多病相如由未死  
追思往事欲魂銷星使今辰迴馬首強對離筵滿傾酒悲  
歌一曲從事書唱與朝中舊知友

還揚遂蜀中集

上玄茫昧胡為乎施設吾道生吾徒否多泰少是天意生  
有述作死不虛聖人憂患方演易賢者窮愁始著書盡令

富貴陷逸樂蠢蠢敢戢如鷄豬泯然無物作時瑞誰識鳳  
皇與騶虞經史子集燦今古粉繪帝道張皇謨一言可采  
即不朽名姓長與日月俱乃知天心厚我輩窮辱不足形  
悲吁夫君擢秀在江左國小而逼何區區科名始得值兵  
火金陵坐見成丘墟歸朝纔得一贊善黜降重為縣大夫  
彰明僻遠在蜀道又遇妖賊攻成都徒行抱印入隴岷乞  
食夷落何崎嶇歸來朝責作主簿朱衣暗澹鬢毛踈昨朝  
投我蜀中作錚然一集如瓊琚杜甫奔竄吟不輟庾信悲  
哀情有餘我逢

聖代自多難謾誇三入承明廬近令編綴小畜集謫官詩  
什何紛如才名官職不兩立真宰折刻分毫銖郎官踈遠

既未貴縣吏禮數不足拘相逢且說文章樂爲君酌酒林  
枯魚

啄木詩

淮南啄木大如鴉頂似仙鶴堆丹砂嘴長數寸勁如鐵丁  
丁亂鑿乾枯查黃柑紅桃多有蠹受命鳳皇須破柱何當  
更與繡衣裳羽族橫飛作持斧

秋鷺詩

淮南八月尚有鷺關關無異來時聲東風擡舉如篋舌何  
事經秋猶未絕飢鷺病鶴亦能鳴鳳鳥不聽何處說

江豚詩

江豚江豚爾何物吐浪噴波身突兀依憑風水恣豚豪吞



嚼魚鯁頗肥膾肉腥骨硬難登俎雖有網羅嫌不取江雲  
漠漠江雨來天意爲霖不忤汝

王黃州小畜集卷第十三

王黃州小畜集卷第十四

卯室

王黃州

王禮庭

雜文

唐河店嫗傳

滁州五伯馬進傳

有巢氏碑

記孝

記蜂

記馬

錄海人書

後序

并誥

譯對

書蝗

畫紀

唐河店嫗傳

唐河店南距常山郡七里因河爲名平時虜至店飲食遊  
息不以爲恠兵興已來始防捍之然亦未甚懼端拱中有  
嫗獨止店上會一虜至繫馬于門持弓矢坐定呵嫗汲水  
嫗持綆缶趨井懸而復止因胡語呼虜爲王且告虜曰綆  
短不能及也嫗老力憊王可自取之虜因系綆弓杪俯而  
汲焉嫗自後推虜墮井跨馬詣郡馬之介甲具焉鞍之後  
復懸一彘首常山民吏觀而壯之噫國之備塞多用邊兵

蓋有以也以其習戰鬪而不畏懦矣一嫗尚爾其人可知也近世邊郡騎兵之勇者在上谷曰靜塞在雄州曰驍捷在常山曰聽子是皆習干戈戰鬪而不畏懦者也聞虜之至或父母轡馬妻子取弓矢至有不俟甲冑而進者頃年胡馬南下不過上谷者父之以靜塞騎兵之勇也會邊將取靜塞馬分隸帳下以自衛故上谷不守今驍捷聽子之號尚存而兵不甚衆雖加召募邊人不應何也蓋選歸上都離失鄉土故也又月給微薄或不能充所賜介冑鞍馬皆脆弱羸瘠不足禦胡其堅利壯健者悉爲上軍所取及其赴敵則此輩身先宜其不樂爲也誠能定其軍使有鄉土之戀厚其給使得衣食之足復賜以堅甲健馬則何敵

不破如是得邊兵一萬可敵客軍五萬矣謀人之國者不于此而留心吾未見其忠也故因一嫗之勇總錄邊事貽于有位者去

滁州五伯馬進傳

進隸滁州軍籍又爲五伯三世矣進之子生而無左臂若髡截然句人以為世主杖笞多納財利而高下其心輕重其手天譴之爾嗚呼鞭作官刑扑作教刑則鞭扑者帝王之典也可不慎乎今之杖刑非古也古者示恥而已故有蒲鞭而誡者有束杖而治者雖然上失其道民散久矣非刑不足以驅人之善也既不得已而用之其可以喜怒財貨易其心乎彼五伯賤隸也刑不自口出但以重輕不平

而天譴若是况執天下之刑者邪吾見世祿之家子孫替  
隊殘癘疾廢者有之爲人僕妾者有之飢寒道路者有之  
宣止用刑之濫也其諂主忌賢剝民固寵斯天譴之大者  
矣作馬進傳以自誠云

有巢氏碑

我承天命作民之帝生而不號死而無謚居民以巢因得  
爲氏我先伏羲卦象未畫大壯之說我民不知憑高就樹  
作巢之基橫菊蔽空啓扉向風踈不爲拙密不爲工晨翔  
暮棲與禽鳥同弗罟弗網壽其考終比

讀如比  
屋之比

巢熙熙若

居天宮無何後主上棟下宇萌以堂奧漸其庭戶鳩繩聚  
墨迴廊合廡痛乎我巢情焉無覩猶賴伊耆儉于一時椽

不用斲堦無翦茨舜禹善嗣宮室孔卑不壯不麗民其歌  
之至于周公攝政于姬明堂辟雍有威有儀亦克用又人  
罔知疲降及後世風俗澆漓窮奢極侈蔓延而滋瑤臺瓊  
室夏商禍基章華壯楚忽焉空土姑蘇麗吳閨然荒墟阿  
房侈秦以荆以秦未央奢劉爲壠爲丘秦漢之下土木孔  
修霜斧雪斤千雕萬鏤金凝碧融簷架薨鈎窻綺暈透壁  
椒氣浮民力欲死工程不休惟競壯觀熟知衆叛刑以三  
夷賦收太半門門出租室室思亂一家百楹束手而散追  
思巢居如捫天漢於戲太古之君居民以巢非君之巢惟  
民之巢故民不勞後世之主宅民以宇非民之宇惟君之  
宇故民罹苦何當仁君常念巢居上節宮觀下豐堂廬縱

不及于有巢亦庶幾堯乎舜乎大禹乎周公乎

記孝

占城大食之民歲航海而來賈于中國者多矣有父子同載至福州而喪其父者其子擗踊殞咽水漿不入于口者三日過是始汲泉于江濱糠粃而食之廬于墓側三年徒跣既終喪行有日矣又遠墳號慕幾平絕者數四然後登舟而去嗚呼三年之喪天下之通制自天子至于庶人一是以高宗諒闇三年不言又夫子曰何必高宗古之王者皆然也漢代以來始有以日易月之禮至于人臣亦用金革之說皆非古也古者大臣有喪三年不呼其門故閔子腰經從公春秋謂君使之非也素冠之詩疾之已甚近



代以來喪禮尤廢而蠻貊之人獨能盡禮豈教之也哉所謂中國無禮樂則求之四夷非虛語也進士池文質聞人也目覩其事為予說去

記蜂

商於兔和寺多蜂寺僧為予言之事甚具予因問蜂之有王其狀何若曰其色青蒼差大于常蜂耳問胡以服其眾曰王無毒不識其它問王之所處曰窠之始營必造一臺其大如粟俗謂之王臺王居其上且生子于中或三或五不常其數王之子盡復為王矣歲分其族而去山毗患蜂之分也以棘刺關于王臺則王之子盡死而蜂不拆矣又曰蜂之分也或團如罌或鋪如扇擁其王而去王之所在

蜂不敢螫失其王則潰亂不可鄉邇凡取其蜜不可多多則蜂飢而不蕃又不可少少則蜂墮而不作予愛其王之無毒似以德而王者又愛其王之子盡復爲王似一姓一君上下有定分者也又愛其王之所在蜂不敢螫似法令之明也又愛其取之得中似什一而稅也至于刺王之臺使絕其息不仁之甚矣故總而記云

記馬

今諫議大夫東莞臧公丙子之執友也其先人事故魏王

符公彦卿諫議亦頗熟王之家事爲子言王之在鄴也多

畜名馬其牝亦有良者爲之息種歲擇健馬以配之往往

得駿骨居一歲有牝產子與他駒特異者旣壯圉人將以合

其母當孽尾之月出而示之見其所生卒無欣合之能將

強之則蹄齧不可嚮通圍人復曰以是駒配是母幸而騶

理談以牡馬為騶此馬為騶其駿必倍不幸而騶又獲其種明年將胥

靡之齊刑也理言改馬也不可失也乃以數牝馬誘之乘峻作之勢

以巾幕其目間而進其母既已句徹巾然後曉其所生因

垂耳俛首若不欲活者旁顧適有永巷但取其巷之長也非謂宮中之名

脩直百餘步巷際有閉闕闕巷門也春秋傳曰輦而入于闕高鋪甚固蓋

常所不啓者遂哀鳴疾馳以首觸其鋪平如是者數蹈而

死嗚呼禮稱禽獸無禮故父子聚麀夫馬本獸也古聖人

調伏而御之故曰伏牛乘馬是也是馬也獸其身而人其

心乎圍人誘陷知恥而死于小人心也遠矣圍人之心望

于禽獸者又遠矣子嘗恨不目覩其事具弊惟以葬之又懼其事久泯而不傳且欲警聲色狗馬之家與世之內亂者故記

錄海人書

秦末有海島夷人上書詣闕者曰月日東海島夷人臣某謹昧死再拜上書皇帝闕下臣世居海上盜魚鹽之利以自給今秋乘潮放舟下岸漸遠無何疾飈忽作怒浪四起飄然不自知其何往也經信宿風恬浪平天色晴霽倚枕而望似聞洲島間有語笑聲乃疊棹而趨之至則有居人百餘家垣籬廬舍具體而微亦小有耕墾處有曝背而偃者有濯足而坐者有男子網釣魚鼈者有婦人采擷藥草

者熙熙然殆非人世之所能及也臣因問之有前揖而對  
臣者則曰吾族本中國之人也天子使徐福求仙載而至  
此童男卅女即吾輩也夫徐福妖誕之人也知神仙之不  
可求也蓬來之不可尋也至是而作終焉之計舟中之糧  
吾族播之歲亦得其利水中之物吾族捕之日亦充其腹  
又取洲中葩卉以芼之由是吾族延命而未死焉死則葬  
于此水矣生則育于此洲矣懷土之情亦已斷矣且不聞  
五嶺之戍長城之役阿房之勞也雖太半之賦三夷之刑  
其若我何且出食以餉臣明日臣登舟而廻復謂臣曰子  
能以吾族之事聞于天子乎使薄天下之賦休天下之兵  
息天下之役則萬民怡怡如吾族之所居也又何仙之求

何壽之禱邪臣因漂避方得此異說弗敢隱匿謹錄以聞  
惟  
陛下詳覽焉

後序

此書獻時蓋秦已亂而不得上達故史記闕焉余因收而  
錄之以示于後

并誥

惟四年王歸自剋并敷告并民作并誥王若曰惟天燾萬  
物罔厥私惟君克肖上帝宅兆民罔厥暴天大惟其辰  
星罔不拱人大惟其君邦罔不順不拱之謂亂天作沘不  
順之謂逆君行罰古先哲主奉承天休時惟有唐討厥丹

浦時惟有虞征厥三苗在後世王克嗣二帝以征以討以  
正厥位惟台涼德荷天之寶命在厥躬祇慄危厲若濟巨  
海而弗庸舟惟其溺

我先王帝土建國十有八祀克用于賢克修于兵乃儉乃  
勤乃慈乃仁德升于天天降祐

我有宋俾萬方奔我命惟巴蜀交廣湘潭吳越人罔敢弗  
率非天私于

有宋惟天輔

我先帝之明德

我先帝負天休命若將不逮薦以太牢報功于天祀于圓

丘嚴配

我祖庶邦冢君罔不助祭時惟有并悖我命不供厥職  
我先帝奉天行誅問并之罪大勲未集用弃厥世天之曆  
數在予一人予一人奉承

先帝之令德以荷天永命乃繕子甲冑治子車徒用輯

我先帝之遺烈在并王元女媖猾弗悛罪惡日稔毒流于下  
民罔攸蘇國艱厥食督民先歲租至于牛馬羊豕犬雞莫  
得蕃息民咨胥怨許于皇天天鑒并民俾予弔子曷敢弗  
天以速台罪仗順取逆并人率服惟并王元台亦有厥辜  
俾即生獻俘太廟光我祖禰群后咸覲以稱台德嗚呼并  
王元反道于天戾道于民非予咎汝汝實自喪于厥身凡  
厥并民悉聽朕言闢乃田廬修乃耒耜復乃業無流蕩離



析無若并元時予其子育汝汝率我化從我教我其賞復  
我政違我道我其刑惟刑賞在台手勉從訓言罔或怠

宋既尅并思偃武作休兵且將東巡狩于岱宗作告成

休兵

告成二  
篇皆亡

譯對

人有善道遠方之言可以合夷會戎交蠻接狄與中國之  
人市易而能不亂者其名曰譯或從而學之對曰吾譯之  
小者也又何學焉夫譯易也大則能易其心小則易其語  
而已矣古者巢居穴處茹毛飲血無君臣父子夫婦長幼  
之制無道德仁義禮樂刑政之法蠢然而生什然而斃當  
是時天下之人皆戎狄爾是以伏羲神農黃帝氏始善譯

者也以皇道譯天下之人心故飲食衣服器械耒耜牛馬  
之用作焉少昊顓頊高辛唐虞又善譯者也以帝道譯天  
下之人心故君臣父子夫婦長幼之制行焉夏商周又善  
譯者也以王道譯天下之人心故道德仁義禮樂刑政之  
法興焉三代之下譯天下者或非其人故諸侯之善譯者  
以霸道譯之齊桓晉文譯霸之傑也秦不善譯者也天下  
之人幾復為戎狄矣漢復譯之猶雜霸焉自漢而下譯道  
多亂吾不復述也已噫古之譯天下者非已能之必有師  
焉力牧廣成皇之譯師也伊尹呂望王之譯師也管夷吾  
舅犯霸之譯師也蕭曹子房漢之譯師也總而言之周公  
孔子譯之宜大者也天下之人師之矣子之學譯勿學譯

之小者不過合華夷之語取商賈之利爾當學周孔之道  
可以為帝王師所謂譯之大者歟學者謝而退

書蝗

仲尼脩春秋設凡例物為災則書之不為災則闕之蓋物  
之災祥繫君之善惡特取其為災者以垂戒爾苟不為災  
者亦書之則慮後之為君者謂災不由德而由于數也斯  
聖人之微旨在焉故傳曰有蜚不為災亦不書噫去聖漸  
遠詭誕爭起陰陽家流得以蔓其說使君天下者視天災  
時變不務德以禳之但委其數而已吁可悲也然則君有  
修德禦災轉禍為福者苟減而不書曷以儆後代是以堯  
水湯旱非不災也能以德禦之爾

皇宋嗣統之七載夏四月有飛蝗

上念災盛稼穡之重則貶常膳避正寢撤宮懸眚災卹刑以赦天下曾未旬浹蝗死于野或曰

皇上以勤儉之德馴致太平無為之風將有待也天其或者慮怠于理故用蝗以為戒果能修德以禦之則

我后之德唐堯之德也宋景之退熒惑太宗之去虫蝗得為比邪儒臣不佞敢作書蝗一篇附于國史之末非獨彰我朝之善亦欲垂後世之戒也

畫紀

古者自天子至士皆有家廟祭祀其先以木為神主示至敬也唐季以來為人臣者此禮盡廢雖將相諸侯多祭于

寢必圖其神影以事之淳化甲午歲某小子實罹大罰洛陽處士楊丹寫我顯考中允府君神采盡妙禮曰思其居處思其笑語思之不見則或形于夢夫夢者有時而神交不可常得矧其恍惚冥昧不能審諦乎未若約形取貌宛然如生歲時朔望拜起瞻仰以慰罔極之心祇肅視之第不語爾嗚呼是丹有大造于吾家也復念吾家苦貧而無厚幣以飽丹欲丹亦好事者也從吾乞言吾以秉筆不文請俟服闋今大祥已竟可以鼓琴贈之斯文命曰畫紀

王黃州小畜集卷第十四

王黃州小畜集卷第十四

王黃州小畜集卷第十五

論

霍光論

用刑論

既往不咎論

死喪速貧朽論

朋黨論

霍王元軌傳論

李君羨傳論

鄭善果非正人論

先君後臣論

揚震論

霍光論

議者多以光受遺命輔少帝比之周公又以廢昌邑王立宣帝比之伊尹此功德相萬不待論辯而明矣又謂光之族也光已死罪在妻子不在于光愚獨以為光自族其家非顯禹之罪也何者當宣帝時光以定策之功負震主之威人臣莫與為比妻顯驕恣欲貴其女而酖許后事垂發矣妻以告光光不能于此時明大義滅親之道收顯下獄免冠請罪因上印綬還政事則所誅者唯顯一身而已嗚呼學不深心不明眷戀私恩猶豫不決奏免太醫以藏大逆身死之後卒緣此而致禍非光自族其家而誰為之邪

石碯一陪臣也殺其子而春秋義之吳起一將軍也劔其妻而史記壯之况居伊周之位者乎故曰能正其心然後能脩其身脩其身然後能齊其家齊其家然後能治其國光之心于斯見矣衛太子之死也天下寃之故大福歸于皇孫則宣帝之起天也當邴吉閉獄門拒使者武帝曰天使之然也然則光貪天之功以為已有與夫曰磔之割愛邴吉之讓位德不侔矣且貪天之功者鮮不及也愚故曰光自族其家非顯禹之罪也

用刑論

予自幼服儒教味經術嘗不喜法家流少因而深刻洎擢第入官決斷民訟又會詔下為吏者皆明法令考績之日



用是為殿最乃留意焉後以制誥舍人領廷尉朝夕閱視亦少詳矣然見其用刑與古相戾何者今法吏所禁之切者曰故出入人罪而已法皆以全罪論予讀家語始誅篇見仲尼為魯司寇戮亂法大夫少正卯于兩觀之前及數其罪則曰心逆而險行僻而堅言偽而辯學非而博順非而澤此五者有一于人則不免君子之誅以今之法治之正卯之罪無正科其在不應得而為乎罪當答爾苟以聖人之法誅之是故入人之罪者也又有子訟父者同徃執之三月不別其父請止夫子赦之及季孫不悅乃歎之曰上失其道而殺其下非理也不教以孝而聽其獄是殺其不辜以今法論之子訟父者死苟以聖人之法赦之是故

出人之罪者也嗚呼古今之不同也如是遂使聖人之言  
為空文爾欲望刑措其可得乎

既往不咎論

仲尼之教應機而設語于一時流于千載千載之下君子  
學之乃可以為事業小人學之亦可以資姦佞明聖得之  
謂之稽古庸主得之因而飾非胡以言之所謂成事不說  
遂事不諫既往不咎是也原其斯言之始則魯君問社于  
宰我對曰夏后氏以松殷人以栢周人以栗因曰使民戰  
慄夫子疾其無稽故云欲其深慎之也後之人由儒術位  
于朝覩國家昏亂政教缺失不能扶救者率曰事已成矣  
吾不說矣事已遂矣吾不諫矣且既往不咎聖人之旨也

萬一有匪躬之士奮命而言者庸主又引以爲拒亦如上之云云以至上安其危下稔其禍事卒不言言卒不聽覆亡而後已也嗚呼世之鄙夫駕大車實重物人又息其上疾馳乎九折之坂旁觀者知其必覆也而不之告及輪摧輾折人墜而傷物傾而壞然後曰向若下其人損其物輕而進之無是苦也聞之者怒而答之可也謂其無益于事矣苟治其車升其人復其物又輦而馳復遇乎險如向之所謂九折者人有疾呼曰不下其人損其物車必如前之覆也聞之者謝而從之可也若又怒且答曰子焉得言吾旣往之事邪雖庸人不至是而爲君臣有國家者返若是歟且聖人立教于君臣之道最大其爲誡詰固亦多矣不

可畢數將引其尤著者以明之夫訓于君者不曰能自得  
師者王謂人莫已若者亡又不曰有言逆于汝心必求諸  
道有言遜于汝志必求諸非道爲君者胡不奉而行之獨  
曰既往不咎哉訓于臣者不曰進思盡忠退思補過又不  
曰有犯無隱見危致命爲臣者胡不踐而行之獨曰既往  
不咎哉是知聖人能立言不能使人從其言施之明君則  
爲政之師也施之庸主則飾非之資也用之君子則嘉言  
之本也用之小人則巧言之助也教之存亡在人而已予  
見漢成帝師張禹拜于床下問以災異而對以罕言命不  
語恆力是非盜聖人之語爲巧言之助邪王莽竊大位據  
威斗南陽之師入矣猶曰天生德於予漢兵其如予何是

非盜聖人之語爲飾非之資耶班固謂莽誦六經以文姦言權德輿謂亡西漢者張禹斯得之矣永惟成事不說遂事不諫既往不咎夫子誠宰我一時之言也爲君者爲臣者深志之

死喪速貧朽論

喪欲速貧死欲速朽者曾子子游皆曰聞諸夫子有若曰是非夫子之言也三子互有援引而禮經兩存之子爲論之所謂死欲速朽者夫子見宋桓魋自爲石椁三年不成故曰若是之靡也死不如速朽之愈也而有子以爲仲尼制中都四寸之棺五寸之槨以斯知不欲速朽也夫桓魋僭修爲石棺以勞人夫子疾之甚也故云死不如速朽之

愈也非謂死者皆欲其速朽爾故下文子游問喪具曰稱  
家之有亡又問曰有亡惡乎齊曰有毋過禮苟亡矣斂首  
足形還葬此可以明聖人之旨也及制中都四寸之棺五  
寸之槨欲有者毋過乎斯矣亡者不及此而不之非也且  
下載國高之言曰生有益于人死不害于人又曰葬者藏  
也藏也者欲人之弗得見也是故衣足以飾身棺周于槨  
槨周于棺土周于槨是也今相斂爲石槨三年不成可謂  
害于人矣故夫子云去易曰上古不封不樹喪期無數後  
代聖人易之棺槨夫子聖人也故中都有是者欲民之不  
踰也奚速朽之足論哉所謂喪欲速貧者夫子見南宮敬  
叔反必載寶而朝乃曰若是之貨也喪不如速貧之愈也

而有子以夫子失魯司寇將之荆先之以子夏又申之以  
舟有以斯知不欲速貧也且仲孫閱叔即之喪位蓋由乎  
貪矣及其反也又載寶以朝夫子譏之故曰若是之貨也  
喪不如速貧之愈也且欲誠在位之貧者非謂喪者皆欲  
速貧爾及失魯司寇而將之荆蓋速于行道也非汲汲于  
祿仕者也是以中牟畔費畔召子皆欲往且曰如有用我  
者吾其為東周乎夫中牟費附庸也尚欲往焉况楚之大  
國乎苟能用夫子之道可以王矣苟至于王則民受其賜  
矣非謂貧乎祿者也奚速貧之足論哉三子親受聖人之  
教而各執聞見禮成于二戴又雜以漢之諸儒亦具存焉  
蓋禮非褒貶之書也故子論而無譏

朋黨論

愚讀唐史見元和長慶之後至大和開成間贊皇竒章李涼公輩互爲朋黨文宗嘗謂近臣曰破河北賊甚易破此朋黨甚難言之不思一至于此夫朋黨之來遠矣自堯舜時有之八元八凱君子之黨也四凶族小人之黨也惟堯以德充化臻使不害政故兩存之惟舜以彰善明惡慮其亂教故兩辯之由茲而下君子常不勝于小人是以理少而亂多也夫君子直小人諛諛則順盲直則逆耳人君惡逆而好順故小人道長君子道消也書曰有言逆于汝心必求諸道有言遜于汝志必求諸非道君天下者能踐斯言而行之則朋黨辨矣又何難於破賊哉且竒章全德而



不免竄逐贊皇忌刻逢吉傾巧而終至大位又誰咎哉又誰咎哉

霍王元軌傳論

高祖二十一子建成元吉為管蔡之行固不足徵也考其行事霍為稱首然而史官謂韓王元嘉當代諸王莫能及者唯元軌抑其次焉予較其本末知霍王出元嘉之右故為論去魏徵唐之名臣也稱王之賢能文皇唐之英主也服王之武藝且其居喪毀瘠有終身之戚奉先之孝也結劉玄平為布衣之交接士以禮也突厥來寇則開門偃旗致胡兵宵遁智也李嘉運之叛誅其首而不罪其衆仁也王文藻二子死父之難縣司抑而不申則遣使特行吊祭

上章乞加旌表義也開閣讀書責成于長馬善任使也國  
令徵封請收貿易之利則讓而不納識廉隅也意向使登  
元良之位守宗廟之器則周之成康漢之文景未足多也  
惜哉天后之朝皇枝剪滅王雖罹竄黜卒以令終天之福  
善詎無驗乎元嘉狂悖起兵機事不密貽汚宮之禍取笑  
後代望於元軌不亦遠乎

李君羨傳論

貞觀中太白頰書見太史曰女主昌又謠言當有女主武  
王者太宗深惡之時君羨已封武連郡公又為左武衛將  
軍在玄武門上因武官內宴作酒令各言其小字君羨自  
稱五娘太宗以其封邑皆有武字又名合女主之讖愕然

忌之卒以謀反下詔誅焉噫太宗以聖文神武駕馭英雄  
心腹推于人故人不疑矣賞罰當于人故人不怨矣至于  
進功臣而誅宗室亦一代之真主爾且其侯君集之反也  
太宗自按之洎盡得其狀復謂群臣曰往者國家未安君  
集實展其力不忍致之于法吾將乞其性命公卿其許我  
乎豈太宗厚君集而薄君羨邪蓋天文變于上人謠騰于  
下雖聖人不能不疑懼矣懼而修德可也疑而行誅則有  
陷于非罪者必矣然君羨匹夫之命不足道也洎武氏出  
則太宗之德得無累乎故書曰疑謀勿成者為是也吾讀  
唐史至是歎君羨之罹罪無狀而見誅惜文皇之用刑有  
時而不中因論以志之亦以為君臣之戒矣

鄭善果非正人論

史臣謂鄭善果幼事賢母長爲正人子以善果行事驗之見史筆之失故爲論云夫正人者臨難無苟免危邦不入而已且善果之父隋朝大臣身死王事是以幼襲先人之爵驟登方伯之位所宜見危致命奮不顧身光肯木之孝心礪盡忠之臣節揚沒後之裕立當世之功斯乃善果之職然爾及隋祚陵夷江都弑逆受宇文化及之命苟民部尚書之封辜負邦家污辱祖考此豈見危致命之謂邪及聊城之圍堅壁自守爲亂常之賊立却敵之功以至流矢及身髮膚不保獻俘受執面目何爲此豈危邦不入之謂邪雖復數布郡條悉稱良吏蓋崔氏之力也善果何功之

有焉子謂賢母之說則軻親孟母不足倫也正人之譽不亦虛乎王琮責之斯為當矣史官褒之無乃失直筆之謂邪

先君後臣論

衛鞅嘗事公叔座平座知其賢而未能用會座病衛君親視之疾且問國計座曰臣之家宰鞅可與謀國事臣死君必用之衛君不然其請座曰卒不能用不如殺之無使逃他國而為衛之患既而復語鞅曰吾薦子于君君不用子必矣吾請殺子子其逃之吾方先君後臣故也於戲凡為社稷之臣計安危之事者在任賢去不肖而已且鞅果賢也可固請用之果不肖也可固請殺之用則為國之寶殺

則去國之蠹烏有始請用中請殺而終使逃者得為忠乎  
且先君後臣之說非無稽之言乎司馬子長修史記至是  
而不言之非豈史筆之有私邪將史才之未至邪予恐後  
之為人臣計國事者復履其跡因論以明之

### 楊震論

袁宏作後漢紀為楊震立論且引紂之三仁以為蘧窳再悅  
箕子之心叔孫通行微子之趣楊震守比干之志又謂三  
者誠有異同亦各盡天人之理也雖是震而褒之不顯請  
試論之夫人莫不樂生而惡死非篤于名教者不能殺身  
以成仁是以趨生之易即死之難不待誘而然也立言垂  
教者當勸其所難沮其所易猶懼人之不從也况混而為

一哉箕子者所謂愛其生而有待者也故能演河圖洛書  
之文陳九疇五行之義使天下彝倫攸叙人到于今賴之  
蓋所存者大故不死而有為也蘧甯者小國大夫位非見  
危致命之地故有道則智無道則愚非箕子之儔也微子  
義存宗社抱祭器而歸周使商之祀不絕于宗所慮者遠  
非偷生者也叔孫通暴秦之博士爾苟脫虎口豈微子之  
倫邪楊震之于比干異代同德就三仁而言之宜褒干以  
起教蘧甯叔孫通楊震而言之宜顯震以勸人古之為三  
公輔萬乘當亡之時負天下之望慕箕微蘧甯叔孫之行  
者可勝道哉效比干楊震之風者蓋亦鮮矣殺身成仁如  
是之難也且震之將死顧諸子謂門生曰吾居上司疾樊

豐之狡猾而不能誅惡孽女王聖之傾亂而不能禁知帑  
藏虛竭賞賜不節而不責何面目以見日月遂仰藥而死  
斯無媿於比干矣然吾觀楊彪事獻帝爲三公浮沉亂世  
全身遠害而已及魏文授禪微遠審叔孫之風者乎其子脩  
北面事魏坐法伏誅祖風替矣嗚呼震殺身奉國以訓子  
孫子孫猶不能守况悠悠世人哉而又混三仁之名跡開  
去就之蹊術欲望教人行勸其可得乎吾故曰襄干顯震  
而起教勸人也不其然歟



